

Attaveqarnermut, Avatangiisinut Aatsitassanullu Naalakkersuisoq  
Landsstyremedlem for Infrastruktur, Miljø og Råstoffer

**Inatsisartunut ilaasortaq Otto Jeremiassen,  
Kalaallit Nunaanni Inatsisartut  
/ Maani**

§ 36, imm. 1 naapertorlugu apeqqummut nr. 2008-28-mut akissut.  
Namminersornerullutik Oqartussat aamma Air Greenlandip nunaqarfinnut avin-  
ngarusimanerusunullu timmisartuussisarneq pillugu isumaqatigiissutaat qaqugu  
pitsanngorsaavigineqassava, ullutsinnut naleqqussarlugu?

05.03.2008  
J.nr. 32.98+1  
Postboks 909  
3900 Nuuk  
Oq/tel +299 34 54 00  
Fax +299 34 54 10  
iap@gh.gl  
www.nanoq.gl/iap

Asasara Otto Jeremiassen.

Aallarniutigalugu angallannermut soqutiginninnerit aamma Namminersornerullutik  
Oqartussat Air Greenland A/S-imut kiffartuussinissaamik isumaqatigiissutaa pillugu  
apeqqutinnut qutsavigissavakkit, taakkulu matuma kinguliani akissuteqarfiginia-  
vakka.

*1. Air Greenlandip timmisartua Bell 212 kinguaattoorsimatillugu ilaasup nammineq  
akilikkaminik najugaqarfissaminik nerisaqarfissaminillu ujarlertarnissaa naaper-  
tuuppa?*

Naluneqanngitsutut Inatsisartut 2003-mut aamma 2004-mut aningaasanut inatsi-  
sissat akuerineqarnerinut atatillugu Naalakkersuisut angallannermi 95 millioner  
koruuninik, tassalu angallannermut aningaasaliissutit tamarmiusut pingajorarteru-  
taasa missaannik sipaagaqaqqullugit peqquaat. Taama amerlatigisunik sipaaga-  
qarnissaq pitsanngorsaanerinnakkut anguneqarsinnaanngilaq, taamaattumillu a-  
ngallannermi kiffartuussinissamut isumaqatigiissutaasimasut 2005-ip naanerani  
atorunnaarmata angallasseriaatsimik nutaamik atuutsitsisoqartariaqalersimavoq.

Tamanna pissutigalugu 2005-imi kiffartuussinissamut isumaqatigiissutit neqeroor-  
titsivigineqarmata "Aningaasaliissutit atorlugit angallassineq annertunerpaaq" a-  
nguniarneqarpoq. Neqerooruteqartussanut najoqqutassat pingasuuusut tassani  
aalajangersarneqarput, tullerriaarneqarnerinilu akiusoq, pitsaassuseq patajaatsu-  
millu sullissisinnaassuseqarneq pingaartinneqarput, taakkunanga akiusoq pi-  
ngaarnerpaatinneqarluni.

Tassani aallaavigineqarpoq bilitsit nassiussallu akiinik qaffaanikkut sipaagassanik  
pissarsisoqannginnissaa. Tamanna tunngavigalugu kiffartuussinissamik isumaqati-  
giissutit nutaamik isumaqatigiissutigineqarnerini bilitsit akiisa annerpaamik 10 pro-  
centiinnarmik qaffanneqarsinnaanissaat aalajangiunneqarpoq. Taamatuttaaq ukiu-  
ni tallimani kiffartuussinissamik isumaqatigiissutit atuuffigisaanni akit aalajangersi-

masuunissaat aalajangerneqarpoq, tamatumani atuisunut akigititaasut naapertorlugit iluarsiinissat pineqanngillat.

Tamatumunnga taarsiullugu sipaarutissanit annertuut angallasseriaatsimik ataa-siinnarmik pilersitsinikkut pissarsiarineqarput, taassumalu atuutsinneqalerneratigut angallavimmi ataatsimi angallasseriaatsimut ataasiinnarmut tapiisoqartalerpoq. Taamaalilluni angallasseriaatsit marluk, ilaasut taakkorpiaat unammissutigalugit angallassisuusut tapiiffigineqartarnissaat pinngitsoorneqarpoq.

Angallasseriaatsip suup toqqarneqarnissaanut nalilersuinermi soorunami aningaa-saqarnikkut sunniutissat ilaatinneqarput, kisiannili aamma angallassisup patajaat-sumik sullissisinnaanermik qulakkeerisinnaanera pingaaruteqarluinnartutut ilaatin-neqarluni. Silaannaap pissusaani atugassarititaasut eqqarsaatigissagaanni sumiif-fiit ilaanni ukioq kaajallallugu imaatigut angallassisarnissaq tunngavigissallugu ajornarpoq, taamaattumillu taakkunani qulimiguulimmik upalungaarsimatitsineq akisooq atorineqartariaqarluni. Tamanna pissutigalugu sumiiffinni arlalinni ukioq kaajallallugu qulimiguulimmik timmisartuussisarnissaq toqqarneqarpoq, angallas-seriaaseq taanna ataatsimut isigalugu patajaatsumik sullissisinnaanermut qular-naannerpaajummat. Angallasseriaatsilli arlaalluunniit toqqarneqaralarpat pisut ilaanni assersuutigalugu silarlunna pissutigalugu aallartussanik taamaatitsinissaq pisariaqartarpoq.

Air Greenlandimut kiffartuussinissamik isumaqatigiissut naapertorlugi angallavim-mi pineqartumi atuinissamik piumanninnermik annertunerpaamik naammassinnis-sinnaanissaq ingerlatseqatigiiffiup pissusaaffigaa. Taassuma iluani ingerlatseqati-giiffik pissusaavoq, aallarnissanik taamaatitsisoqartillugu taamaatitsinermut pissu-taasoq apeqqaatinnagu pitsaanerpaamik ikiutissalluni.

Naalakkersuisut isumaat malillugu Air Greenlandip taamatut pissusaaffilerneqarnini periarfissaqalernermini immikkut ittumik timmisartuussisarnermigut naammassisar-paa, taamaalillunilu ilaasut ataasiakkaat piffissaq utaqqivissaat sapinngisamik an-nikinnerpaatittarlugu.

Kiffartuussinissamik isumaqatigiissutini timmisartuussisinnaannginnermut aalaja-ngersakkat malillugit ajornartoornermi timmisartuussinerit pisinnaatinngit unin-ganissamut aningaasartuutunik akiliissalluni Air Greenland pissusaatinneqanngi-laq. Ajornartoornermut ilaatigut sila naatsorsuutigeriinngisamillu ingerlatsinerup unittoortarnera pissutaasunut ilaapput, taakkulu timmisartuussinissanik pilersaar-u-taasunik taamaatitsisarnermut pissutaasuni pingaernerpaasarput.

Air Greenlandip niuerneramik tunngaveqarluni angallassiviini taamaatitsisoqartillugu ilaasut ataasiakkaat nerisaqarnissamut ineqarnissamullu qulakkeerriffigineqareer-tarput. Aningaasartuutissat taakku bilitsip akianut – tassalu akimut Air Greenlandip kisimi aalajangersarsimasaanut – ilaareerput. Angallaviit kiffartuussinissamik isu-maqatigiissutunik atuutsivigineqartut tassaapput angallaviit, niuernerinnarmik tunngaveqarluni ingerlanneqarsinnaanngitsut. Taamaattumik kiffartuussinissamik isumaqatigiissutit illoqarfinnut nunaqarfinnullu aammalu taakkunanngaanniit angal-

lassinissap pisinnaanissaanut qulakkeerisarput, taamaattoqanngikkaluarpata ta-  
manna pisinnaassanngikkaluartoq.

Kiffartuussinissamik isumaqatigiissutit aqputigalugit tapiissuteqartarnikkut ilaasut  
ataasiakkaat akiligassaasa minnerpaatinnissaat isumagisarpaput. Sila imaluunniit  
ingerlatsinikkut unittoorneq pissutigalugu timmisartuussinissamik taamaatitsisoqar-  
tillugu nerisanut ineqarnermullu aningaasartuutissat akimut tamakkiisumut ilaa-  
suuppata, timmisartuussinermut aki tamakkiisoq ullumikkornit qaffasinnerujussuu-  
simassagaluarpoq. Taamaattumik kiffartuussinissamik isumaqatigiissutit isumaqa-  
tigiissutigineqarnerini aningaasartuutissat taamaattut ilaatinneqannginnissaat,  
aammalu aningaasat taakku angallasseriaatsip pitsaanerulersinniarneqarneranut –  
tassalu aningaasaliissutit atorlugit angallassinerup annertunerulernissaanut – ator-  
neqarnissaat aalajangerneqarpoq.

*2. Air Greenland timmisartortartup napparsimanera pissutigalugu nunaqarfinnut  
timmisartuussinernik taamaatitsisarneranut tunngatillugu Naalackersuisut ingerlat-  
seqatigiiffimmu qanoq kinguneqartitsilersaarpat?*

Aallarniutigalugu oqaatigineqareersutut kiffartuussinissamik isumaqatigiissutit su-  
liakkiissutigineqarnerini piomasaaqatinnut tunngavimusut ilaattut kiffartuussinissamik  
neqeroorutiniq patajaatsumik sullissisinnanerup pitsaanerpaajunissaa piomasari-  
neqarpoq. Taamaattumik angallassinissamik neqerooruteqartut neqeroortitsinerup  
nalaani qinnuigineqarput, napparsimasoqartillugu upalungaarsimasarnissartik  
pillugu nassuiaateqaqqullugit. Air Greenlandip kiffartuussinissamik isumaqatigiis-  
susiornissamut neqerooruteqarnermini ingerlatseqatigiiffiup angissusaa eqqarsaa-  
tigalugu ullunik timmisartortartut mekanikerillu suliffissaannik immikkut pisiniarnis-  
samut periarfissaqarluarnertik tunngavilersuutigaa. Kiisalu Air Greenlandip sulisui  
“marloqiusanik” suliaqarnissamut piginnaaneqarput, tassalu timmisartuni / qumi-  
guulinni assigiinngitsuni sulinissamut akuersissummik pigisaqarput. Tamanna nap-  
parsimasoqartillugu eqaatsumik aaqqiinissamut sulisunillu nuussisinnanissamut  
periarfissiivoq.

Air Greenlandimiit ilisimatitsissutigineqarpoq, 2008-mi januaarimi ullut timmisartor-  
fissat marluk sulisut akornanni napparsimasoqarnera pissutigalugu taamaatinne-  
qartariaqarsimasut. Timmisartortartumik aaqqittoqarnerani timmisartuussinerit taa-  
maatinneqartut taakku erngerlutik naammassineqartarsimapput. Taartigalugit tim-  
misartuussinerit aamma januaarimi ullup qaamarngata sivikittarneranit ajornaku-  
soortinneqarput. Qulimiguullip ullup qaamanerinnaani timmisartuusseqqusaamma-  
ta, ullup qiterarnerani piffissami sivikitsuaraannarsuarmi timmisartuussisoqarsin-  
naasarpoq, taamaattumillu pisuni taakkunanani neqeroortitsinerimi eqaassuseq taa-  
neqartoq atorluassallugu ajornakusoorsimalluni.

Naalackersuisut isumaat tunngavigalugu maannarpiaq angallassisartut sulisuini  
napparsimasoqarnissaanut sillimasoqareerpoq, taamaattumillu tamatumani anner-  
tunerusumik iliuuseqartoqarnissaa siunnerfigineqanngilaq.

Taamatut oqaaseqarlunga neriutigaara, Namminersornerullutik Oqartussat aamma Air Greenland A/S-ip akornanni angallannermi kiffartuussinissamut isumaqatigiissut pillugit apeqqutit sukumiisumik akisimassallugit.

Ikinngutinnersumik inuulluaqqusillunga

Kim Kielsen